



Pou Piblikasyon Imedya: 23/12/2021

GOUVÈNÈ KATHY HOCHUL

GOUVÈNÈ HOCHUL SIYEN PAKE LEJISLASYON POU EDE ETABLISMAN SWEN ALONTÈM AK REZIDAN YO

Lejislasyon (S.1783-A/A.6057-A) bay Komisè Sante a enstriksyon pou li aplike yon odit enspeksyon enfeksyon ak lis kontwòl nan mezon retrèt

Lejislasyon (S.612-B/A.45436-B) ede ankouraje Pwogram Medyatè pou Swen Alontèm nan

Lejislasyon (S.598-B/A.3922-A) etabli yon gwooup travay ki pral egzamine swen alontèm Eta a

Lejislasyon (S.4652-B/A.6590-B) pèmèt etid, devlopman ak aplikasyon yon estrateji alontèm pou sipòte kwasans endistri swen nan Eta New York

Jodi a Gouvènè Kathy Hochul te siyen yon pake lejislasyon pou ede etablisman swen alontèm yo ak bay asistans pou sistèm swen alontèm lan. Lejislasyon (S.1783-A/A.6057-A) bay Komisè Sante a enstriksyon pou li aplike yon odit enspeksyon enfeksyon ak lis kontwòl nan mezon retrèt yo. Lejislasyon S.612-B/A.45436-B adopte yon seri refòm Pwogram Medyatè pou Swen Alontèm (Long-Term Care Ombudsman Program, LTCOP) nan Eta a ak pwogram ki gen rapò pou ogmante aksesibilite pou rezidan nan mezon retrèt yo ak etablisman swen rezidansyèl yo. S.598-B/A.3922-A etabli "gwooup travay sou reyimajinasyon swen alontèm" pou etidye eta sèvis swen alontèm yo nan Eta a. Lejislasyon (S.4652-B/A.6590-B) bay Komisè Developman Ekonomik la, an konsiltasyon avèk Komisè Sante, Travay ak OCFS enstriksyon pou etidye, elabore ak aplike yon estrateji alontèm pou sipòte kwasans endistri swen an nan Eta New York.

"Kòm Nouyòkè, nou gen yon obligasyon moral pou pwoteje moun ki pi vilnerab pamí nou yo", **Gouvènè Hochul te deklare**. "Moun k ap viv nan etablisman swen alontèm yo merite pi bon tretman posib, epi pwòch yo merite konnen etablisman sa yo ap bay swen konpatisan epi pwoteksyon. Pwojè lwa sa yo pral ede rekonstwi sistèm swen alontèm lan pi solid epi asire swen kalite ak sipò disponib pou Nouyòkè ki plis bezwen li yo".

Lejislasyon (S.1783-A/A.6057-A) bay Komisè Sante a enstriksyon pou li aplike yon odit enspeksyon enfeksyon ak lis kontwòl nan mezon retrèt yo. Sa pral egzije mezon retrèt yo pou respekte yon lis kontwòl pou evalyasyon odit sou baz konpetans debaz ki gen

rapò ak kontwòl enfeksyon, ekipman pwoteksyon pèsonèl (PPE), anplwaye, swen klinik ak komunikasyon. Pwojè Iwa sa a pral asire moun ki pi vilnerab nou yo resevwa pi bon swen posib epi pou pèsonèl mezon retrèt yo prepare ak pwoteje. Si yon etablisman pa an konfòmite, Depatman Sante a pral reyalize odit kontinyèl jsikaske etablisman yo antre an konfòmite. Mezon retrèt yo deziyen tou yon manm pèsonèl la kòm responsab PPE epi gen yon plan enfeksyon ki enkli lesyon yo te aprann nan COVID tankou kowòt. Penalite yo ka gen ladan revokasyon oswa sispansyon lisans yon etablisman nan kèk kondisyon. Pandan pandemi an, sa te vin klè ke anpil mezon retrèt pa te prepare epi pa te byen ekipe pou pwoteje moun yo kont pwopagasyon COVID-19 la, sa ki te mennen nan lanmò ki pa nesesè. Lejislasyon sa a pral ankouraje tout etablisman yo pou yo prepare pou nenpòt kriz potansyèl alavni.

Senatè James Skoufis te deklare, "Pandemi sa a te pote limyè sou anpil frajilite nan sistèm nou depann de yo ke nou souvan pran kòm bagay ki garanti. Sila yo k ap travay oswa rete nan mezon retrèt yo te wè dirèkteman konsekans lavi ak lanmò mank sekirite yo fas ak COVID-19 la. Lwa sa a ajoute nouvo kouch responsabilite pou mezon retrèt sa yo, epi mwen rekonesan anvè Gouvènè Hochul poutèt li sipòte seri kouch pwoteksyon enpòtan sa yo".

Manm Asanble, Patrick B. Burke, te deklare, "Li esansyèl pou nou asire popilasyon k ap vyeyi nou an ak fanmi yo santi yo konfyan ke sante ak sekirite se priyore prensipal nan mezon retrèt yo. Nan bay Depatman Sante a enstriksyon pou aplike yon odit enspeksyon enfeksyon ak lis kontwòl pou mezon retrèt yo, li bay yon lòt kouch sipèvizon pou asire dwa ak pi bon kalite lavi popilasyon granmoun aje nou an. Anplis de sa, bay yon estrateji koyeran pou etablisman sa yo pral asire ke mezi kontwòl ki pi efikas yo itilize pou epidemi alavni yo".

Lejislasyon S.612-B/A.45436-B bay Biwo Medyatè pou Swen Alontèm nan Eta a enstriksyon pou fè pwopagann ak ankouraje pwogram Medyatè pou Swen Alontèm nan. Li bay Komisè Sante a, an konsiltasyon avèk Medyatè pou Swen Alontèm nan Eta a ak Komisè depatman yo ki responsab pou lisans oswa sètifikasyon etablisman swen alontèm yo, pou etabli règleman ak pwosedi pou fè rapò, pa pèsonèl ak volontè yo nan Pwogram Medyatè pou Swen Alontèm nan, pwoblèm ki konsène sante, sekirite ak byennèt rezidan nan etablisman swen alontèm yo. Pwojè Iwa sa a gen ladan tou aksè ak pèsonèl ak volontè pwogram medyatè pou swen alontèm nan eta a nan kad plan ijans pandemi an ke etablisman swen sante rezidansyèl yo prepare.

Lejislasyon S.598-B/A.3922-A etabli yon gwoup travay sou swen alontèm ki pral egzamine swen alontèm eta a, lakay ak nan etablisman yo nan eta a. Li konsidere modèl potansyèl pou amelyorasyon epi pral egzamine enpak pandemi COVID-19 la sou swen alontèm ansanm ak sistèm swen alontèm ki pi elaji nan New York. Li defini aktivite ak sijè ankèt pou gwoup travay la, defini konpozisyon gwoup travay la ak etabli Direktè Biwo Eta pou Granmoun Aje a kòm prezidan. Li pral bay ajans nan eta a yo enstriksyon tou pou bay gwoup travay la asistans ki nesesè epi egzije yon rapò nan men gwoup travay la an rapò ak pandemi COVID-19 la.

Lejislasyon S.4652-B/A.6590-B entegre sektè swen yo nan kad estrateji devlopman ekonomik Eta a. Li egzije pou Komisè Devlopman Ekonomik la etidye, elabore ak pwopoze fason pou aplike yon estrateji alontèm pou sipòte kwasans endistri swen an nan Eta New York. Estrateji sa a dwe detaye nan rapò ki analize sipò ki nesesè pou elaji endistri swen an, devlope, rekrite ak kenbe yon mendèv konpetan epi pote nouvo mòd pou bay swen.

Senatè Rachel May te deklare, "Mwen rekonesan anvè Gouvènè Hochul poutèt li fè yon pa an avan odasye jodi a nan reyimajine fason New York jere swen alontèm. Granmoun aje nou yo merite viv nan kominate yo renmen, avèk diyite, pou osi lontan yo kapab, epi pwojè lwa sa yo se yon gwo pa an avan pou ede asire yo kapab fè sa. Nan reyimajine sistèm swen alontèm nou an ak nan poze fondasyon pou envesti nan yon ekonomi ki vreman byenveyan, nou mete New York yon lòt fwa ankò nan pozisyon pou li se yon lidè. Epi nan ranfòse pwogram medyatè pou swen alontèm nan, n ap garanti defansè rezidan sa yo gen plis zouti pou ede pwoteje rezidan nan mezon retrèt yo. Mwen remèsye Gouvènè a ak patnè yo nan Asanble a pou kolaborasyon yo sou pwojè lwa sa yo epi mwen pa ka tann pou m kontinye travay avèk yo pou konstwi yon eta ki vreman adapte pou granmoun aje".

Manm Asanble Sarah Clark te deklare, "Pwogram Medyatè pou Swen Alontèm Eta New York la gen yon objektif primè, defann rezidan nan mezon retrèt yo ak lòt etablisman swen alontèm yo, men twò souvan plent ak apèl yo rete san repons oswa sibi twòp reta. Lejislasyon sa a pral rann pwogram Medyatè a pi efikas nan ogmante kantite volontè yo atravè edikasyon, pwomosyon ak rekritman. Answit, ranfòse yon liy komunikasyon ki pi solid ant pèsonèl ak volontè pwogram lan ak Depatman Sante a ki envestige ak rezoud plent yo. An final, asire ke tout etablisman swen alontèm yo gen ladan medyatè nan plan pandemi yo, ki otorize rezidan yo jwenn yon defansè toutan. Nesesite pou refòme pwogram sa a te agrave nan pandemi COVID-19 la piske done chokan ak lanmò nan mezon retrèt yo te revele ansyen pwogram lan pa te fonksyone osi byen li te prevwa. Lwa sou Refòm Pwogram Medyatè pou Swen Alontèm nan ranfòse pwogram aktyèl la pou nou kapab pi byen pwoteje popilasyon granmoun aje ak sila ki pi vilherab nou yo".

Manm Asanble, Doktè Anna R. Kelles, te deklare, "Mwen kontan anpil ke Gouvènè Hochul te siyen "Lwa Envesti nan Swen" (Investi in Care Act). Lejislasyon sa a pral asire nou etidye ak elabore yon estrateji alontèm pou amelyore endistri swen nan New York la, sa gen ladan swen dirèk, swen adomisil, gadri, swen pou adilt, mezon retrèt prive ak san bi likratif epi etablisman rezidansyèl yo. Lwa sa a pral asire yon plan ki abòde defi kwonik biznis nan endistri swen an ak òganizasyon san bi likratif yo fè fas, sa gen ladan: limit finansye ansanm ak mank mendèv ke devlopman mendèv ki pa sifi, rekritman, ak retansyon te lakòz epi pral prezante yon chemen pou inovasyon ak nouvo mòd swen ki bay ekite nan sèvis yo atravè endistri swen an. Yon endistri swen ki solid se yon pyè angilè pou rezistans ekonomik ansanm ak devlopman ekonomik epi san enstitisyon swen ki finansyèman estab, san travay peye pou mendèv k ap bay swen yo ak san ekite nan aksè pou swen, nou pral kontinye wè depans nan swen sante ki san kontwòl ak povrete k ap ogmante nan eta a".

Manm Asanble Catalina Cruz te deklare, "Enpak mòtèl Covid-19 la nan etablisman swen alontèm nou yo te trajikman toumante fanmi yo nan tout eta a. Men, menm anvan pandemi sa a, kalite swen, blesi ak menm lanmò nan etablisman sa yo te deja yon pwoblèm ki egziste. Lejislasyon sa a pral pran meyè entèlijans k ap travay nan swen sante epi pèmèt yo defini fason nou ta dwe amelyore mezon retrèt nou yo, sant reyabilitasyon yo ak lòt sistèm ak pwosesis ki bay swen alontèm. Lejislasyon sa a pral ede modènize swen nou bay moun ki pi vilnerab nou yo pandan n ap sove lavi ak amelyore kalite lavi pou yon bann Nouyòkè. Mwen remèsye Gouvènè Hochul dèské li siyen pati lejislasyon enpòtan sa a epi mwen felisite Senatè Rachael May dèské li te defann pwojè lwa sa a nan Sena Eta a".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)